




INSTITUTI KOMBËTAR I SHËNDETËSISË  
PUBLIKE TË KOSOVËS  
NATIONAL INSTITUTE OF PUBLIC HEALTH  
OF KOSOVA



**SITUATA EPIDEMIOLOGJIKE ME INFLUENCË, COVID-19 DHE  
PATOGENËT TJERË RESPIRATORË NË KOSOVË,  
SEZONA 2024/2025 (JAVA 06-TË)**

**Simptomet e Gripit përfshijnë:**

- Temperaturë/ethe
- Kokëdhimbje
- Lodhje
- Kollë e thatë
- Dhimbje fyti
- Rrjedhje hundësh
- Dhimbje muskulare
- Simptome gastrointestinale, si  
nauze dhe barkqitje




**PËRMBLEDHJE**

Instituti Kombëtar i Shëndetësisë Publike gjatë tërë vitit bën mbikëqyrjen permanente të Influençës sezonale (ILI), ARI dhe SARI me intensifikim të aktiviteteve gjatë sezonës përkatëse. Mbikëqyrja realizohet përmes hulumtimit aktiv dhe pasiv në institucione shëndetësore dhe terren.

**SITUATA EPIDEMIOLOGJIKE ME INFLUENCËN SEZONALE NË KOSOVË, 2020/2021 -  
2024/2025**

Sipas grafikonit 1, ku janë paraqitur rastet e Influençës sezonale (ILI) në 5 sezonat e fundit shohim se sezona 2024/2025 karakterizohet me numër më të lartë të rasteve të raportura, krahasuar me periudhën e njëjtë të sezonës 2023/2024 dhe fillim të aktivitetit nga java e 40-të, 2024/2025 (Graf.1).

Grafikoni.1



### SITUATA EPIDEMIOLOGJIKE ME INFLUENCËN SEZONALE NË KOSOVË, 2024/2025 DHE PRAGU EPIDEMIK


Nga fillimi i sezonës, 30 shtator 2024 deri më 9 shkurt 2025 (java e 6-të) në Institutin Kombëtar të Shëndetësisë Publike të Kosovës janë raportuar 72,136 raste të Sëmundjes të ngjashme me Grip (ILI), 7,444 raste të Infeksioneve respiratore akute (ARI) dhe 97 raste me Infeksion të rëndë respirator akut (SARI).

Gjatë javës së 6-të (03.02.2025-09.02.2025) janë raportuar 5,824 raste ILI (Sëmundje e Ngjashme me Gripin), 132 raste ARI (Infeksion Respirator Akut) dhe 13 raste me SARI (Infeksion i Rëndë Akut Respirator).

**Intensiteti i Influcencës sezonale sipas numrit të rasteve të raportuara për javën e 6-të paraqitet në aktivitetin e lartë të qarkullimit dhe krahasur me javën e kaluar shënon rënie për 15.06%. (Graf.2)**


Grafikoni.2


## Ecuria e Influencës në Kosovë dhe Pragu epidemik 2024/2025



Në grafikonin 3 shohim se në të gjitha komunat janë raportuar raste të dyshimta në Influencë dhe sipas numrit të rasteve të raportuara, numër më të lartë kanë komuna e Prishtinës, Prizrenit, Pejës dhe Gjilanit ndërsa sipas Incidencës numër më të lartë të rasteve kanë komuna e Prishtinës dhe Kamenicës. (Graf.3).


Grafikoni.3





Në raport me distribuimin e rasteve sipas grup-moshës dhe incidencës, nga numri total i rasteve të raportuara me ILI, shihet se të gjitha grup-moshat janë të atakuara derisa sipas Incidencës; grup-mosha 0-4 dhe mbi 65 vjeç (Graph.4). Sa i përket rasteve me ARI, grup-mosha më e atakuar është 0-4 vjeç (3,307 raste) pastaj grup-mosha 15-64 vjeç (2,274 raste), 5-14 vjeç (1,185 raste) dhe grup-mosha 65+ vjeç (678 raste). (Graf.4)

Grafikoni.4



## MBIKËQYRJA VIROLOGJIKE

Në laboratorin e Qendrës Kombëtare të Influcencës – IKSHPK nga fillimi i sezonës 2024/2025 deri me 12 shkurt 2025, janë testuar gjithsej 3,564 mostra nga pacientët e qendrave sentinel dhe jo sentinel si raste të dyshimta në ILI, ARI dhe SARI. Nga mostrat e testuara 1,784 (50.05%) prej tyre të dyshimta në SARS-CoV-2 dhe 1,780 (49.94%) të dyshimta në Influcencë dhe patogjenët tjerë respiratorë. Gjatë kësaj periudhe në SARS-CoV-2 janë konfirmuar 11 prej tyre (0.61%).


Nga 1,780 mostrat e testuara në Influcencë dhe patogjenët tjerë respiratorë janë konfirmuar 538 raste me Influcencë A dhe B (pozitiviteti 30.22 %). Sipas tipit: me Influcencë A (305 raste apo 17.13%) dhe Influcencë B (233 raste apo 13.08%). Nga 538 rastet e konfirmuara me Influcencë A dhe B, sipas komunave: komuna e Prishtinës (159 raste), Mitrovicë (158 raste), Fushë Kosovë (36 raste), Podujevës (19 raste), Malishevës (18 raste), Vushtrri (18 raste), Lipjanit (17 raste), Ferizaj (17 raste), Pejës (16 raste), Drenas (16 raste), Obiliq (13 raste), Skenderaj (11 raste), Prizren (6 raste), Gjilan (5 raste), Suharekë (5 raste), Rahovec (4 raste), Shtime (4 raste), Klinë (4 raste), Gjakovë (3 raste), Hani i Elezit (3 raste), Viti (3 raste), Istog (2 raste) dhe me një rast komuna e Dragashit, kurse sipas grup-moshës: 0-4 vjeç (195 raste), 5-14 vjeç (151 raste), 15-29 vjeç (66 raste), 30-44 vjeç (38 raste), 45-60 vjeç (44 raste) dhe 60+ (44 raste).

Gjatë javës së gjashtë (03.02.2025-09.02.2025), nga labororet private janë raportuar gjithsej 24 mostra të testuara si të dyshimta në SARS-CoV-2. Nga këto mostra nuk është konfirmuar asnjë rast pozitiv.

Nga patogjenët tjerë respiratorë, janë konfirmuar: 158 mostra me RSV, 114 mostra me Human Rhinovirus, 69 mostra me Human Adenovirus, 10 mostra me Parainfluenza Virus dhe 10 mostra Metapneumovirus.


Nga 158 rastet pozitive në RSV (8.87%): 136 prej tyre i takojnë grup-moshës 0-4 vjeç, 12 raste i takojnë grup-moshës 5-14 vjeç, 15-34 vjeç (2 raste), 51-64 vjeç (2 raste) dhe 65+ vjeç (5 raste), kurse sipas komunave: Prishtinë (65 raste), Fushë Kosovë (16 raste), Podujevë (15 raste), Vushtrri (11 raste), Drenas (8 raste), Ferizaj (5 raste), Malishevë (5 raste), Gjilan (4 raste), Klinë (4 raste), Obiliq (4 raste), Kaçanik (4 raste), Lipjan (4 raste), Mitrovicë (3 raste), Shtime (3 raste), Suharekë (2 raste) dhe me nga 1 rast komunat :Gjakovë, Prizren dhe Skenderaj.

Grafikoni.5



Sipas subtipit: me Influençë A të pasubtipizuar janë 270 raste (50%), me subtipin AH3 janë 30 raste (5%), me subtipin AH1N1 janë 5 raste (1%), Influençë B të pasubtipizur janë 224 raste (42%) dhe Influençë B Victoria 9 raste (2 %)

Grafikoni.6



## AKTIVITETET SEZONALE

IKSHPK/Departamenti i Epidemiologjisë bënë mbikëqyrjen e Influençës gjatë tërë vitit, me intensifikim të saj gjatë sezonës përkatëse (java e 40 deri në javën e 20).

Përcjell situatën epidemiologjike me rastet ILI/ARI (javore) dhe rastet me SARI (në bazë ditore/alerti).

Bënë testimin laboratorik të mostrave në Departamentin e Mikrobiologjisë/Qendrën Kombëtare për Testimin e Influençës.

Instituti Kombëtar ka apeluar te të gjithë Drejtorët Rajonal të Shëndetësisë Publike dhe punëtorët shëndetësor që të ngrisin nivelin e vigjilencës dhe raportimit të rasteve të dyshimta në të gjitha institucionet shëndetësore publike dhe private në Kosovë.

Ka rekomanduar tek Inspektorati shëndetësor dhe sanitar të mbikëqyrë të gjitha Institucionet shëndetësore të Kosovës, për të urdhëruar për obligimin ligjor të paraqitjes së sëmundjeve ngjitëse dhe rasteve të vdekjeve nga këto sëmundje.

Ka dhënë këshilla për popullatën për mbrojtjen nga sëmundja dhe njohjen e simptomave të saj.

## MASAT PËR PARANDALIMIN E PËRHAPJES SË VIRUSIT TË GRIPIT SEZONAL

Aktiviteti i gripit është në nivel të lartë krahasuar me sezonën paraprake dhe masat për parandalimin dhe kontrollin e infeksioneve respiratore janë:

Mbajtja e maskave.

Distanca fizike.

Higjiena e duarve.

Evitimi i kontakteve të afërta me individë të sëmurë.

Redukimi i vizitave të familjarëve tek personat e hospitalizuar (SHSKUK, Spitalet rajonale).

Evitimi i vendeve të mbyllura dhe të mbingarkuara me njerëz.

Ushqimi i shëndetshëm me shumë vitamina.

Aktiviteti fizik dhe gjumë i mjaftueshëm.

Personat e sëmurë të qëndrojnë në shtëpi.

- Pastrimi dhe dezinfektimi i mjediseve ku qëndroni.
- Mbulimi i hundës dhe gojës me një shami gjatë teshtitjes dhe kollitjes si dhe huthja më pas në vend të sigurt.
- Larja e duarve shpesh me ujë dhe sapun, ose solucione duarsh me alkool.
- Sytë, hunda dhe goja të mos preket me duar të kontaminuar, pasi virusi përhapet në këtë mënyrë.
- Pastrimi dhe dezinfektimi i sipërfaqeve dhe objekteve që mund të jenë kontaminuar nga virusi.

### Konsultimi me mjekun për mjekimin me barna kundër gripit, të cilat duhet të merren vetëm me rekomandimin e mjekut

Medikamentet kundër gripit duhet të fillohen brenda 48 orëve të para të fillimit të sëmundjes për të pasur efektivitet të lartë.

Ato mund të parandalojnë edhe komplikimet e rënda që mund të vijnë nga gripit.

Mënyra më efikase për parandalimin e virusit të gripit është Vaksinimi me vaksinën kundër gripit.

- Vaksinimi mbron vetë personin dhe ndihmon në parandalimin e përhapjes së gripit.
- Efekti i vaksinës fillon 1 deri 2 javë pas marrjes dhe mbrojtja vazhdon rreth një vit pas vaksinimit.

### VAKSINIMI

Ministria e Shëndetësisë në bashkëpunim me IKSHPK në fillim të sezonës së gripit 2024/2025 ka siguruar 85,000 doza të vaksinës sezonale. Nga 30 shtatori 2024 deri me 31 janar 2025 janë administruar 65,637 doza. Prej tyre sipas grupeve të rrezikut: 43,947 janë administruar te grup-mosha mbi 65 vjeç, 20,193 me sëmundje kronike, 1,463 profesionistë shëndetësor, 3 gra shtatëzëna dhe 31 fëmijë (0-5 vjeç).

### HOSPITALIZIMET

Gjatë javës së fundit nga rastet e hospitalizuara në Klinikën Infektive, Klinikën e Pediatriisë dhe spitalet rajonale janë raportuar 43 raste me ARI, 13 raste me ILI, 1 rast me Influençë B, 1 rast me Influençë A dhe 13 raste me SARI.

Nga Klinika Infektive përmes Sistemit të Mbikqyrjes së Sëmundjeve Ngjitëse deri më 12 shkurt 2025, janë raportuar 4 raste të vdekjes me Influcencë A. Të gjitha rastet janë të gjinisë mashkullore, i përkasin grup-moshës mbi 60 vjeç dhe me sëmundje kronike përcjellëse.

## SITUATA EPIDEMIOLOGJIKE NË RAJON DHE EVROPË

### INFLUENZA SEZONALE JAVA 06/2025 NË EVROPË

Nivelet e konsultimeve në kujdesin parësor dhe dytësor në BE/ZEE, javëve të fundit tregojnë se ka një aktivitet i rëndësishëm të qarkullimit të patogjenëve respirator. Epidemitë e gripit sezonal dhe të virusit sincicial respirator (RSV) janë në vazhdim, ndërsa aktiviteti SARS-CoV-2 është në nivel shumë të ulët. Të gjithë indikatorët tregojnë për një aktivitet të përhapur dhe/ose mesatar të gripit në BE/EEA, me shumicën e vendeve që vazhdojnë të vëzhgojnë një rritje të pozitivitetit. Pranimet në spital për shkak të gripit janë aktualisht në nivelet e observuara gjatë pikut të epidemive të mëparshme në shumicën e vendeve. Dihet se pranimet në spital për shkak të gripit vendosin presion të konsiderueshëm mbi sistemin e kujdesit shëndetësor dhe tendosin kapacitetet e spitalit. Individët e moshës 45 vjeç e lart kanë rrezikun më të lartë për rezultate të rënda, duke theksuar nevojën e vazhdueshme për masa parandaluese të synuara (p.sh. vaksinimi). Aktiviteti i RSV ndryshon në të gjithë BE/ZEE, me disa vende që kanë kaluar kulmin e epidemisë dhe të tjera vazhdojnë të shohin një rritje në normat e pozitivitetit. Pranimet në spital për shkak të RSV mbeten në një nivel të lartë tek fëmijët e moshës nën pesë vjeç dhe tek njerëzit e moshës 65 vjeç e lartë. Vaksinimi është masa më efektive për të mbrojtur kundër formave të rënda të sëmundjeve virale respiratore. Ata që kanë të drejtë për vaksinim, veçanërisht ata me rrezik më të lartë për rezultate të rënda, inkurajohen të vaksinohen. Klinikistëve duhet t'u kujtohet se, përdorimi i hershëm i antiviralëve kundër gripit mund të parandalojë përparimin në sëmundje të rënda për grupet e rrezikut. Ndërhyrjet jo farmaceutike si larja e shpeshtë e duarve, distancimi fizik dhe shmangia e tubimeve të mëdha mund të jenë gjithashtu të dobishme për kontrollin e epidemisë në vend. Mbajtja e maskave në mjediset e kujdesit shëndetësor dhe objektet e kujdesit shëndetësor afatgjatë gjatë pikut të sezonit të gripit mund të konsiderohet si një mënyrë për të reduktuar transmetimin tek personat me rrezik.

**Burimi:** communicable-disease-threats-report-week-6-2025 PDF ([www.ecdc.europa.eu](http://www.ecdc.europa.eu))